

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1906 del 25/06/2026

A derstell van Bersntoler Kulturinstitut ka Sappada ver en internazionaltrèff va sprochlòntschòft ont balscha dialektologi

Dialektn ont minderhaitnsprochen zbischn lokalizazion ont globalizazion

[Mòcheno] S hòt se gahòltn van a kurza zait en Sappada/Ploder (UD), oa'na van taitschn insln van alpineplaz, der zòmmtrèff “ Dialektn ont minderhaitnsprochen: zbischn lokalizazion ont globalizazion”, organisart va de Società Filologica Friulana zòmm pet de Accademia va de Crusca, der Dipartiment van sprochen (DILL) va de Universitet va Udine, der internazional Zentrum asn mearersprochen ont òndra innrichtn van ourt. Der trèff, bou as hom toalganmmen, zbischn de òndern, de viarereren van Bersntoler Kulturinstitut Claudia Marchesoni ont de presidenten van Bischòftkomitat Manuela Pruner, hòt gamòchet tschbinnen as de bichteket van sprochenminderhaitn ver en kultural ont identitet pahalter, as hait lem zbischn en sai' galeik van a sait ont naia virm za sai' kennt, en an zait bou as men kònt se òlbe mear meivern ont bou as ist innkemmen der digital.

Auskennetalait ont pasuacher van gònz Balschlònt hom se pfuntn za schaug de lòntschòft van sprochen ont van dialektn, ont schaug abia as bèckslt s lokalem van inger Lònt. Bail der trèff, de voursitzer hom vourstellt de teorische ont metodologische studium va iaz as de dialektn, iberhaup ver en sèll as keart de media ont s digital. Men hòt klòfft iberhaup va sèll as tea' de nain teknologi as de sprochen minder praucht, ont men hòt tschauk biavle as de sai' as de social network ont en de nain òrbetn online.

Nemm en de teori ont en de digitalverniern, hòt men klòfft gor va òndra bichtega temen u'gahenk en de sprochenplitik ont en derretn de inntichtn petn vourtschbinnen strategi ver de u'lear. En doi kontest, hòt men vourtschbunnen en naia virm za learnen de sprochenminderhaitn, benns za innziachen mearer sprochen ont naia virm ver za versichern sa. Zu schluss gèlts gott en studiern s lem hòt men tsechen abia as men praucht mearer sprochen, abia stòrch as sai' de gamoa'schòftn as klòffen ont de òrbetn as sai' noat ver za derhòltn ont verniarn s gilt van kulturpahalter.

Bail en trèff va nomitto, bou as men hòt klòfft va naia pasuachen ver de taitschn sprochenminderhaitn, Patrizia Cordin va de Universitet va Trea't, dersteller van Rettor ver de naiekaitn ver de sprochenminderhaitn, hòt galòk sechen sèll as ist auser kemmen va de pasuach CLaM 2021, a baita pasuach sozial ont va de sprochen gamòcht va de Autonome Provinz va Trea't pet en rif za verstea' abia as ist de borekait van sprochenminderhaitn van zimber, va bersntoler ont van ladiner asn ourt va de region Trentin - Sudtirol ont van Veneto, ver za organisiarn rèchta òrbetn va sprochenpolitik.

Ibersetz gamòcht van Sprochtirl va de Tolgamoa'schòft Hoa Valzegu' ont Bersntol

(cdt)